



PREVENCIÓN, COLECTA E VALORIZACION DE LAS DEISHAS



# GUIDA Redevença especialu DÈISHAS



# La Redevença especialu DÈISHAS ÇÒ QU'ES ?

La redevença especialu qu'es ua contribucion devuda peus professionaus qui utilizan lo servici public d'amassatge de las dèishas.

En efèit, dab la Lei deu 15 de julhet de 1975, relativa a l'eliminacion de las dèishas e a la recuperacion deus materiaus, los productors non domestics (enterpresas privadas e establiments publics) que son responsables de las lors dèishas .

La collectivitat que pòt assegurar la collècta e lo tractament de las dèishas de cèrts professionaus devath resèrva que s'agesca de « dèishas assimiladas », qu'es a díser de medisha natura com las dèishas domesticas e donc presas en carga shens préner de disposicions especificas. Que son dens aqueth cas facturats au títol de la Redevença Especialu .

Lo servici d'eliminacion de las dèishas qu'es finançat per l'associacion de la **Taxa de Lhevada de las Lordèras Domesticas (TLLM / TEOM)** e de la **Redevença Especialu**.

La TEOM qu'es calculada en foncion de la valor locativa (deu lotjament o deu locau) e **percebuda per la taxa fonsièra**.




# La redevença especiau DÈISHAS, ENTÀ QUI ?

Tot productor de dèishas, public o privat, aute que las familhas, implantat sus la Comunautat País Basco e utilizant lo servici public de collècta e de tractament de las dèishas.

- qui aucupa un locau assubjectit a la Taxa de l'hegada de las lordèras domesticas (TEOM) e qui a ua produccion de dèishas assimiladas a lordèras domesticas estrictament **superiora a 770 litres per setmana**
- 
- qui aucupa un locau exonerat de la TEOM e presenta dèishas au servici public de collècta.

**ENTÀUS PRODUCTORS AUCUPANT UN LOCAU ASSUBJECTIT A LA TEOM, LA REDEVENÇA ESPECIAU N'ES PAS DEVUDA QUE PER LAS SETMANAS DURANT LAS QUAS LO LINDAU DE 770 LITRES ES PASSAT.**



# La redevença especiau DÈISHAS, ENTÀ QUAU SERVICI ?



- L'accès a equipments de collècta e lo remplaçament eventuaiu d'aquestes.
- La collècta, lo transpòrt e la valorizacion de las dèishas residuaius assimiladas a las dèishas de las familhas
- l'assistència tecnica permanenta entà l'avaloracion deus besonhs e, au finaiu, l'optimizacion de la gestion de las vòstas dèishas : desvolopament de la tria, diminucion deu volumi e deu nombre de bacs...

# QUIN es calculada

## La Redevença Especialu Dèishas?

La Redevença Especialu Dèishas qu'a **ua part forfaitària** d'accès aus servicis e **ua part variabla** ligada au volumi de las dèishas presentadas dens l'annada (hòra collècta selectiva).

La Redevença Especialu Dèishas **ne's cumula pas** dab la Taxa de Lhevada de las Lordèras Domesticas (TEOM). Las diferentas dèishas triadas e, d'aqueth hèit, desviadas de la collècta de las dèishas assimiladas a las lordèras domesticas, ne son pas retenudas dens lo calcul de la Redevença Especialu.



## FORMULA DE calcul :

FORFÈIT annau  
d'accès



VOLUMI annau de DÈISHAS  
ASSIMILADAS a LAS  
LORDÈRAS DOMESTICAS  
DEPAUSADAS O PRESENTADAS



0,0402 €  
PER LITRE  
COLLECTAT\*

100€\* ou 50€\*

segon lo vòste mòde de collècta



MONTANT DE LA TAXA DE LHEVADA DE  
LAS LORDÈRAS DOMESTICAS (TEOM)



REDEVENÇA ESPECIALU DÈISHAS

\*Tarifas netas, votadas lo 24/09/2022 peu Conselh Comunautari de la Comunautat d'Aglomeracion, corresponent au prètz de de còst reau deu servicis (comprehent la Taxa Generau sus las Activitats Polluentas) suportat per la Comunautat d'Aglomeracion País Basco entà assegurar lo servicis.

## cas nº1

### QUE HÈTZ APERET a un PRESTATARI PRIVAT ENTÀ L'ELIMINACION DE LAS VÒSTAS DÈISHAS:

- que demoratz assubjectit a la TEOM ;
- Qu'ètz exonerat de la Redevènça Especiau Dèishas.



## cas nº2

### QUE HÈTZ APERET AUS SERVICIS DE LA COMUNAUTAT D'AGLOMERACION PAÍS BASCO :

- qu'ètz assubjectit a la Redevènça Especiau ;
- Qu'es calculada en dedusint la vòsta TEOM.

Lo vòste establiment que s'engatja dab la collectivitat dens ua afranquida materializada per ua convencion :

- adaptada aus vòstes besonhs avalorats prealablament dab l'ajuda deus cargats de Redevènça Especiau de la Comunautat d'Aglomeracion País Basco ;
- revisadera en foncion de l'evolucion deus vòstes besonhs ;
- respectuosa deu reglament de collècta.



# exemple :

Qu'ètz restaurator e locatari deu locau qui aucupatz.

Lo vòste propietari que'vs repercuteish la Taxa de Lhevada de las Lordèras Domesticas qui a pagat dab la soa Taxa Fonsièra, a hautor de 300 €.

Qu'ètz collectat en pòrta a pòrta **2 còps per setmana** e que presentatz 1 bac de 660 litres de lordèras domesticas e 1 bac de 660l de papèrs e d'emalatges a cada collècta :

Lo vòste establiment que barra 4 setmanas per an. (52 setmanas/an – 4 setmanas de congèts = 48 setmanas de servici)

- Que seratz facturat sus la basa deus sols bacs de dèishas assimiladas a las lordèras domesticas (sacs negues) presentats a la collècta (lo bac de tria n'es pas comptat).

**2 x 660 = 1320 litres.** Lo volume qui presentatz per setmana a la collècta qu'es **superior a 770 litres**, que seratz sosmetuts a la facturacion de la redevença especiau dèishas.

Que presentatz donc **1320 litres x 48 setmanas = 63 360 litres per an.**

## CALCUL DE LA VÒSTA FACTURA :

PRÈTZ DEU FORFÈIT ANNAU D'ACCÈS AU  
SERVICI DE PÒRTA A PÒRTA:

100 €

volume annau : 63 360 L

X

0,0402 PER LITRE

=

2547,07 €

CÒST DEU  
SERVICI

-

MONTANT DE LA TEOM QUI AVETZ  
PAGADA L'ANNADA PRECEDENTA :

300€

TEOM

**mONTANT DEU VÒSTE RE annau :**

100 (FORFÈIT)

+

2547,07 (CÒST DEU SERVICI)

-

300 (TEOM)

=

**2347,07 €**

Que receberatz donc duas facturas l'ua entau 1er semèstre e l'autre entau 2nde semèstre, dont lo cumul atenherà : 2347,07 €

**a notar :** Dens daubuas situacions, lo montant de TEOM pagat que pòt cobrir lo montant de Redevença especiau a reglar.

## QUIN PAGAR MENS DE REDEVENÇA ESPECIAL DÈISHAS ?

Solucions simplas que'vs permeten de limitar l'impacte de la Redevença Especial Dèishas suu vòste budget, mes tanben de contribuir a la preservacion de las nòstas ressorsas naturaus en limitant lo guast de matèrias e d'energia,

- **REDUSITZ** las vòstas dèishas a la hont ;
- **ORGANIZATZ** au mièlher la tria entà facilitar lo tribalh de las vòstas equipas,
- **ADOPTATZ** los bons reflèxes de tria entà redusir la vòsta factura !



**TRANSMETETZ CLARAMENT LAS CONSIGNAS DE TRIA A LAS VÒSTAS EQUIPAS. LA TRIA DEUS PAPÈRS E EMBALATGES N'ES PAS SOSMETUDA A LA REDEVENÇA ESPECIAL DÈISHAS !**



### DEUS ACONSELHÈR(ÈRA)S ENTÀ'VS GUIDAR

*Los(las) cargat(da)s de Redevença Especial e los(las) ambaishador(a)s de la tria que son a la vòsta disposicion entà recercar las pistas tecnicas d'optimizacion de la gestion de las vòstas dèishas N'esitetz pas a contactà'us !*

*Cargats de la redevença = coordinadas a la darrèra pagina deu guida*

*Ambaishador(a)s de la tria => [contact@biltagarbi.fr](mailto:contact@biltagarbi.fr)*

---

### **PÒLE CÒSTA BASCA ADOR**

05 59 57 12 03 (Baiona /Lo Bocau)  
o 05 59 57 12 15 (Anglet, Biàrritz, Bidart)  
redevance@communaute-paysbasque.fr

### **PÒLE SUD PAÍS BASCO**

05 40 39 71 05  
dechets.sudpaysbasque@communaute-paysbasque.fr

### **PÒLE NIVA-ADOR /PÒLE ERROBI**

07 61 18 92 13  
dechets.errobiaturri@communaute-paysbasque.fr

### **PÒLE AMIKUZE / PÒLE PAÍS DE BIDAISHE / PÒLE PAÍS DE HASPARN / PÒLE IHOLDI OZTIBARRE / PÒLE GARAZI BAIGORRI / PÒLE SOLA XIBEROA**

05 59 57 11 80  
dechets.barnekalde@communaute-paysbasque.fr

---

## **Informacions mei sus**



COMMUNAUTÉ  
D'AGGLOMÉRATION  
—  
HIRIGUNE  
ELKARGOA  
—  
COMUNAUTAT  
D'AGLOMERACION

- > [communaute-paysbasque.fr](http://communaute-paysbasque.fr)
- > Lo memo tria dèishas
- > Fichas mestièrs que son tanben estadas redigidas entà vs'ajudar a triar mièlher en foncion de las vòstas activitats

